



iz SIPA-e odgovorili medijima

Direktor nastavlja sa svojim aktivnostima bez ograničenja

Iz Agencije za istrage i zaštitu BiH jučer su naveli da direktor SIPA-e Goran Zubac nastavlja obavljati poslove i zadatke iz svoje nadležnosti i rukovoditi Agencijom u punom kapacitetu, bez bilo kakvih ograničenja.

- U vezi s rješenjem koje je donio zamjenik ministra sigurnosti BiH o privremenom onemogućavanju pri-

stupa tajnim podacima direktoru SIPA-e, obavještavamo vas da je nakon preliminarnih analiza uočen niz povreda, koje se ogledaju prvenstveno u pogrešnoj primjeni materijalnog prava, kao i u pogrešnom utvrđivanju činjeničnog stanja, te činjenici da zamjenik ministra sigurnosti BiH ne razlikuje proceduru u vezi s krivičnim

postupkom od procedure sigurnosnog provjeravanja - rečeno je iz SIPA-e.

Zbog tih i drugih evidentnih povreda materijalnog prava, navedeno je da će SIPA postupiti u skladu s pozitivnim pravnim propisima i u zakonom predviđenom roku nadležnom organu uputiti žalbu.

M. Aš.